

大明會典

戶部

經費一

賞賜

經費二

月糧

官民

雜支

勘合

月鹽附

戶口鹽鈔

卷四十一
之四十一

大明會典卷之四十

戶部二



經費一

賞賜

國朝賞賜用鈔錠胡椒蘇木銅錢并銀兩衣服等項其係禮兵掌行者具見二部惟歲給軍士冬衣布花等項沿革則例不一係戶部掌行備載于此

洪武三年給賞四川鹽井等六衛軍士每名綿布二疋綿花一斤仍加絹一疋○六年又定給賞則例北平軍士水平居庸古北口為一等密

雲薊州為一等。北平在城為一等。通州真定為一等。○二十六年定。凡在京賞賜該用鈔錠。戶部查數具奏。于

內府關支。凡有

欽賞官軍人等。當該衙門將該賞人名鈔數。於戶部委官處磨算相同。該賞數目附簿驗名給散。其委官仍將日逐各起賞過鈔數。開呈戶部立案備照。候季終戶部將原關并賞過鈔數。通類具奏。及賞賜胡椒蘇木銅錢等項。亦如之。其在外如有

欽依賞賜官軍及賑濟饑民等項。戶部酌量會計鈔錠具奏。委官赴

內府照數關領。點開明白。於戶科給批。差人管運。仍行移所在官司。如運鈔到彼。照依坐去則例。眼同驗名給散。造冊回報戶部。以憑稽考。○二十八年。令陝西行都司甘州等衛新發充軍者。照舊軍事例。給賞冬衣布花一年。以後減半。○永樂五年。令賞賜北平各衛軍士冬衣布花。該布絹三疋者。內絹一疋。折與蘇木一斤八兩。該布二疋者。一疋折蘇木一斤。該布一疋者。仍舊。

奉天征討旗軍。原衛無家小。并全家在京者。全賞。其北京有家小者。在京賞綿布一疋。原衛家小。布二疋。綿花一斤八兩。為事發充局匠。布一疋。牧馬千戶所養馬幼軍。於賊罰庫。關賞舊衣三件。○八年。令甘州等衛。洪武三十二年以後。充軍人數。照舊軍例。給賞冬衣布花。○十一年。令南京操練民間子弟。并餘丁幼軍。照例給賞夏布。○十四年。令在京各衛軍士。該賞夏布三疋。及二疋者。內各一疋。折新鈔三錠。○十五年。令北京所屬衛所軍士。全賞本色布花。遼東都

司所屬衛分正軍恩軍。有家小者。綿布二疋。綿花一斤八兩。隻身旗軍。并養羊小廝。及老幼久病殘疾。復役未及三年。逃軍。并習學軍匠。綿布一疋。綿花一斤八兩。幼軍一歲至五歲。隻身在營。有一母伯叔父母一姐者。并六歲至十四歲。隻身者。各綿布一疋。綿花一斤。若在營有一母一伯叔父母一姐一妹一弟者。照養羊小廝例。○十七年。定賞山西都司所屬衛分布花則例。振武衛正軍有家小。綿布四疋。綿花一斤八兩。太原左右中三護衛。太原左右前三衛。鎮西衛

寧化千戶所。正軍校尉。續添校尉。并各護衛牧
養馬匹軍人。有家小。綿布三疋。綿花一斤八兩。
山西行都司所屬大同左右前後朔州天城陽
和安東中屯等衛。正軍恩軍校尉。并旗手等衛
調去入伍軍匠。有家小者。綿布四疋。綿花一斤
八兩。凡各衛所隻身旗軍校尉。巡營守門鋪。養
馬看倉看草老幼久病殘疾。復後未及三年逃
軍。及瀋陽中護衛。平陽潞州衛。沁州汾州千戶
所。正軍校尉。并旗手等衛。調去入伍軍匠。俱各
綿布二疋。綿花一斤八兩。○又令在京各衛軍

士。該賞布一疋者。與本色。二疋者。內一疋折新
鈔五錠。三疋四疋者。各支二疋。餘每疋折新鈔
五錠。○十八年。令賞賜各衛軍士冬衣布花。絹
每疋。折與蘇木一斤六兩。胡椒四兩。布每疋。折
蘇木一斤。胡椒三兩。○十九年。令在京各衛軍
士。該賞布三疋者。內一疋。折蘇木一斤。一疋。折
新鈔三錠。該布二疋者。內一疋。折蘇木一斤。該
布一疋者。仍舊。在京者。與綿布。南京者。與夏布。
其南京隨住北京者。仍於南京給之。○二十二
年。令在京各衛軍士。該賞布三疋。綿花一斤半。

者與絹二疋。胡椒一斤。該布二疋。綿花一斤半者。與絹二疋。該布一疋。綿花一斤半者。與絹一疋。胡椒半斤。其南京衛所軍士。止賞布疋。該三疋者。內二疋。折絹一疋。一疋。折胡椒一斤。該二疋者。折絹一疋。該一疋者。折胡椒一斤。○宣德五年。令南京各衛軍士。全給綿布。不支綿花。○八年。令梁城守禦千戶所軍士。照例給賞冬衣布花。○十年。令軍士冬衣布花。在京差監察御史。給事中。會戶部官。在外巡按御史等官。會戶部委官給散。○正統元年。令西安左等衛旗軍。

調寧夏各邊備禦者。全支綿布三疋。綿花一斤八兩。○又令增給遼東操備軍士綿花為三斤。○三年。令報効家人。義男女。墾民人。餘丁。各賞布三疋。本色二疋。折鈔一疋。逃囚布一疋。逃軍布二疋。內折鈔一疋。綿花俱一斤八兩。○四年。奏准。北直隸衛分軍士冬衣布花。每歲七月中。差官給散。俱限十二月終回京。○又令在京并南京各衛所旗軍力士。校尉將軍人等。該賞布花。見在。并征差。在營有家小。隻身。及年十五歲以上。矮小軍人。在營有家小。并年十四歲以下。

幼軍。在營或有一母一伯叔父母一姐一妹一弟者。征差運糧陣亡失陷傷故。落水渰死病故。但有長幼兒男。同家小在營者。在營亡故。有兒男家小在營者。初年下屯。關支月糧。未收子粒。有無家小者。年老殘疾。還鄉換丁。在營有家小者。

王府隨侍旗軍校尉。并養馬軍人醫獸。操練民間子弟。并餘丁。俱布三疋。為事發遣征進。在京有家小者。年老殘疾。無丁代役。并習學局匠。及赦前為事發充局匠。俱有家小。及年十五歲以上

矮小軍人。在營隻身者。各衛燒窯。挑柴。看桐漆樹。種首蓓。及四門廚房做飯。并食糧恩軍。赦前收役。在營有家小者。俱布二疋。征差運糧陣亡失陷傷故。落水渰死。在營止有老軍。與隻身妻女。并年六歲至十四歲隻身男。及同籍隻身弟。壻等項。在營者。為事食糧恩軍。在營隻身者。在營亡故。止有六歲至十四歲隻身男。在營者。為事發遣征進。在彼病故。在京有兒男者。旗軍年老殘疾。無丁代役者。習學局匠。及赦前為事發充局匠。在營俱隻身者。赦後為事發充局匠。及

王府養羊。幼軍小廝俱布一疋。牧馬千戶所養羊。幼軍舊衣三件。征差隻身。并在營止。有幼男女。年十歲以下。候本軍回還。照例補賞。為事被監。有無家小。候復役補賞。○七年。令陝西都司調去甘肅沿邊操備。腹裏屯軍。每名給賞綿布三疋。內折鈔一疋。綿花一斤八兩。○八年。令甘肅延綏等處操備旗軍。有家小者。每名給賞布三疋。隻身布二疋。綿花俱一斤八兩。○又令陝西都司所屬寧夏中護衛。河州。洮州。岷州。寧夏左。右。前屯衛。寧夏中。靖虜等衛。寧夏羣牧千戶所。

正軍恩軍校尉。有家小者。每名給賞布四疋。隻身旗軍校尉。并養羊小廝。巡營守門鋪。養馬。看倉。看草。老幼久病殘疾。復役未及三年。逃軍。布二疋。綏德衛。慶陽。延安。西安右護衛。西安左。西安後。鞏昌。漢中。秦州。平涼等衛。鳳翔守禦千戶所。西固城禮店千戶所。階州守禦千戶所。平涼中護衛。蘭州。西安前。甘州中護等衛。甘州羣牧守禦千戶所。

鄭府儀衛司羣牧千戶所。正軍校尉。有家小者。布三疋。寧夏在城驛。并寧夏遞運所。及高橋兒等。

各驛遞運所恩軍布花各照彼處附近衛所軍士原定腹裏口外事例給賞陝西行都司所屬甘州左甘州右中前後涼州西寧永昌山丹莊浪鎮番等衛古浪城鎮夷守禦千戶所正軍恩軍并鎮夷守禦千戶所京衛紀罪旗軍并涼州莊浪二衛自綏德衛以下凡隻身旗軍校尉并養布四疋自綏德衛以下凡隻身旗軍校尉并養羊幼軍巡營守門鋪養馬看倉看草老幼久病殘疾復役未及三年逃軍俱各布二疋綿花一斤八兩○九年令各衛軍士該賞布花許在衛

家人妻子代領隻身無親者照數印封著親管官旗領送本軍○十年令陝西延慶西安秦鞏鳳翔等衛所屯田旗軍分調定邊等營備冬者每名給賞布二疋內折鈔一疋綿花一斤八兩○又令聚落陽和天城三驛擺站囚軍每名給賞綿布二疋綿花一斤八兩○又令河南都司并直隸寧山衛南陽衛潁上守禦千戶所旗軍於延安綏德等處備邊過冬者每名給賞布一疋綿花一斤八兩鈔二十五貫○又令陝西延綏慶陽二衛并西安左等四衛旗軍原調守邊

備冬者。每名給賞布四疋。內二疋。并綿花一斤八兩。給與家小。餘布二疋。再增綿花一斤八兩。給守邊正軍。若本家有選差常川守邊備冬。餘丁者。每名再給布一疋。綿花一斤。本衛守城操練者。照舊。○又令河南都司所屬衛所旗軍。於宣府操備過冬者。每名給賞布二疋。綿花一斤八兩。○十二年。令陝西寧夏備禦寧羗衛軍士。每名給賞綿布二疋。綿花一斤八兩。其家小在原衛者。則給綿布二疋。綿花一斤八兩。○又令廣昌守禦千戶所。照例給賞布花鈔錠。○景泰

三年。令永寧夜不收馬軍。并保安等城旗軍內。陸續解到衛新軍。給賞冬衣布花。○又定通州左右。永平。薊州。遵化。忠義中。鎮朔。隆慶。東勝。左右。密雲中。興州中。屯。左。屯。右。屯。前。屯。後。屯。營州中。屯。左。屯。右。屯。前。屯。後。屯。定州。河間。大同中。屯。潘陽中。屯。茂山。保定前後。左右。中。定邊。開平中。屯。天津。天津左。右。武清。撫寧。真定。涿鹿。涿鹿左。中。盧龍。神武中。右等衛。及廣昌。平定。蒲州。梁城。寬河等守禦千戶所。正軍。恩軍。有家小。該布三疋者。內一疋。折鈔五錠。綿花一斤八兩。隻身旗

軍及發去異姓軍士。巡營守門鋪養馬。看倉看
草。老幼久病殘疾。復役未及三年。逃軍。俱該布
二疋者。內一疋折鈔五錠。綿花一斤八兩。宣府
前。左。右。萬全。左。右。懷來。山海。密雲。後。開平。蔚州。
保安。保安。右。永寧。懷安。隆慶。左。右。龍門等衛。興
和。美峪。龍門等守禦千戶所。除夜不收。守墩旗
軍。布四疋。全支本色。其餘正軍。恩軍。并旗手等
衛。調去入伍軍匠。有家小。該布四疋者。內一疋
折鈔。綿花一斤八兩。隻身旗軍。調去入伍軍匠。
隻身者。及養羊小廝。巡營守門鋪。養馬。看倉。看

草。老幼久病殘疾。復役未及三年。逃軍。及習學
軍匠。不分有無家小。全支布二疋。綿花一斤八
兩。○又令陝西寧羗。臨洮。二衛。金州文縣。二守
禦千戶所。鎮虜。玉林。威遠。雲川。高山等衛。及山
陰。馬邑。守禦千戶所軍士。俱照例給賞冬衣布
花。○成化六年。令直隸遵化等衛軍士。調撥喜
峰等極邊口堡守備過冬者。有家小。賞布三疋。
無家小者。二疋。○七年。令各邊夜不收。給賞加
布一疋。綿花半斤。○十四年。令給賞冬衣布花
事故扣除之數。該屬五府者。送該府經歷司。親

軍衛所送掌印官同首領官封收待下年給散
○又令給賞冬衣布花以七月初一日奏領勘
合八月初一日下庫關領十五日以後陸續給
散○十五年令南京賞賜各衛軍士夏布每歲
三月初旬取勘四月終旬給賞○又令遼東并
萬全都司宣府前等衛守哨夜不收旗軍人等
每名給賞布四疋內半疋折鈔○又令永平薊
州沿邊關營操守軍士該賞布疋全關本色○
十九年令陝西文縣階州西固城守禦千戶所
有家小正軍每名給賞布一疋綿花一斤八兩

隻身并把門等項布一疋如不足數布一疋給
銀二錢綿花一斤給銀伍分○又令四川茂州
上班守備旗軍每名給賞布二疋綿花一斤○
二十三年令賞賜軍士冬衣布花每布一疋折
銀二錢五分綿花一斤折銀七分○弘治三年
令四川建昌等六衛軍士每名給賞布二疋內
一疋折鈔五錠如無鈔折銀一錢五分綿花一
斤折銀七分○又令山西都司所屬衛所振武
衛并鴈門千戶所屯守正軍有家小每名綿布
四疋本色二疋折鈔二疋綿花一斤八兩本色

一斤折鈔八兩。隻身旗軍。并巡營守門鋪。養馬。看倉。看草。老幼久病殘疾。復役未及三年。逃軍。每名給綿布二疋。本色一疋。折鈔一疋。綿花一斤八兩。本色一斤。折鈔八兩。保德州守禦千戶所。屯守正軍。有家小。每名綿布三疋。折鈔一疋。綿花一斤八兩。隻身旗軍。并巡營守門鋪。養馬。看倉。看草。老幼久病殘疾。復役未及三年。逃軍。每名支綿布二疋。綿花一斤八兩。太原左。右。前。鎮西衛。寧化守禦千戶所。

晉府儀衛司。寧化等

王府正軍校尉。有家小。每名綿布三疋。本色一疋。折鈔二疋。綿花一斤八兩。本色一斤。折鈔八兩。隻身旗軍校尉。并巡營守門鋪。養馬。看倉。看草。老幼久病殘疾。復役未及三年。逃軍。及平陽。潞州。潘陽中護衛。汾州守禦千戶所。沁州守禦千戶所。

潘府儀衛司。正軍校尉。巡營守門鋪。看倉。看草。老幼久病殘疾。每名俱各綿布二疋。本色一疋。折鈔一疋。綿花一斤八兩。本色一斤。折鈔八兩。山西行都司所屬大同。左右。前後。朔州。天城。陽和。

安東中屯鎮虜玉林威遠雲川高山山陰守禦千戶所馬邑守禦千戶所

代府長史司帶管屯田旗軍有家小每名綿布二疋屯田老幼等項旗軍無家小每名綿布一疋綿花俱一斤八兩○又令見在寧夏西安左等衛并延綏慶陽三衛操備有馬餘丁每名綿布二疋綿花一斤○又令

秦府

韓府

肅府各儀衛司正軍校尉有家小每名綿布三疋

綿花一斤八兩隻身旗軍及巡營守門鋪養馬

看倉看草老幼久病殘疾復役未及三年逃軍

每名綿布二疋綿花一斤八兩○又令陝西行

都二司所屬衛所旗軍該賞布花如不勾全賞

照例減賞原支四疋者支與三疋原支三疋者

支與二疋不敷布花照例折鈔每綿布一疋折

鈔五錠綿花一斤折鈔二貫○正德七年奏准

四川都司威州守禦千戶所上班守備關堡等

項旗軍每年冬給綿布一疋綿花一斤於布政

司折糧銀內支給其在操備守城等項雜差老

幼旗軍照例每十年一次賞綿布二疋。綿花二斤。○令江西獲功官軍民兵人等應賞絹布鈔錠。如有不敷。照例每絹一疋。折銀五錢。綿布一疋。折銀二錢五分。鈔一貫。折銀三釐。補給其陣亡事故者。給家屬領。○又令遼東年例賞賜軍士。每布四疋。花一斤八兩。共量添銀二分五釐。連舊共銀九錢。待後海船完日。照舊運給本色。○八年。令遼東軍士見調山東操守者。年例布花。就於山東該運數內關支。有不帶家小。願將一半仍在遼東關支者。聽。○十二年。令防守古

北口白羊口黃花鎮官軍。每名各賞銀一兩。○十五年。奏准。山東該解山海庫本色綿布登州府庫海運遼東綿花。自本年始。并以前拖欠之數。照例每布一疋。折銀三錢。花一斤。折銀五分。并該用腳價。徵完解部。轉發遼東給散。○嘉靖三年。令各衛所軍士年例布花。本色不足。照例每布一疋。折支銀二錢五分。○五年。奏定。密雲以東衛分軍士。歲給冬衣布花。本色或折色。俱全數給與。○十四年。議准。甘肅延寧固原等衛所官旗俸鈔布花等項銀兩。本布政司徵收。每

項差官限九月以裏解赴守巡兵備等道轉發給散。不許委衛官倒文各府關領。以致展轉侵漁。○二十九年議定。漢達官軍防守賞格。以事情緩急道里遠近。歲月久速。營住內外。量為度數。大約以五千里外。一年以上。為一等。三千里外。八箇月以上。為一等。一千里外。半年以上。為一等。五百里外。三箇月以上。若達官達舍無糧操餘。為一等。多者每員給銀五兩三兩二兩。少則每名止給七錢五錢三錢。俱臨期疏請上裁。其本鎮之內。四百里以下。若操練防守等項。居

常既有月俸糧草。臨發又支行糧草料。不得一槩比例。○四十五年。令給賞京衛軍士布花。照舊各委司屬官一員。會同科道協理給散。○隆慶二年。題准陝西西安鳳翔二府州縣歲派甘肅鎮賞軍布花。改徵折色。仍照三分之一給賞。如或徵解愆期。侵剋悞事。聽撫按及管糧郎中。照近奉

欽依完欠分數。降級住俸事理。參究。○四年。題准每年各軍并家丁。該給布花數目。俱限九月初造報。月終給散竣事。如過期聽該科參究。○萬曆

七年見行給賞事例。在京衛所旗軍力士校尉將軍冬衣布花。該賞綿布一疋者支與本色。二疋者內一疋支與本色。三疋者內二疋支與本色。其餘每布一疋折與舊鈔五錠。綿花俱支一斤八兩。其南京各衛所軍士人等該賞布鈔。照在京事例。各於該庫關支給賞。俱不支綿花。八年題准。凡衛所軍士臨賞。離伍逃故。犯罪革役。在臨賞二月以前。已有戶丁補役者。俱照舊例扣留外。如小事牽連。一時不到。及年老革役病故。在臨賞二月之內者。免其扣留。其在外衛所。并各邊鎮軍士。自萬曆九年以後。賞賜照舊給以折色。間有原係本色者。仍給本色。著兵備守巡。選委鄰近府佐。及州縣正官。親自包封給散。臨賞扣留事例。悉照在京一體遵行。

大明會典卷之四十一

戶部二十八

經費二

月糧 月鹽附

洪武初。令在京在外各衛所馬軍。曾經出塞三
 次。馬匹不曾倒死者。月支米二石。步軍總旗一
 石五斗。小旗一石二斗。軍一石。二十一年。令
 民匠充軍者。月支糧八斗。又令牧馬千戶所
 軍士。月支糧一石。二十二年。令民丁編軍操
 練者。月支糧一石。二十三年。令普定貴州平
 越三衛。烏撒畢節永寧黃平四千戶所。興隆普

安層臺赤水四衛軍士有家小者月支糧一石。無家小者五斗。○又令廣洋衛安插達軍成戶者月支糧一石。不成戶。隻身婦女幼男五斗。○二十五年。令各處極邊軍士。不拘口數多少。月支糧一石。○又令陝西寧夏左屯衛。未堪入伍。紀錄旗軍。有家小者月支糧五斗。隻身月支三斗。俟出幼補役屯種之日住支。○二十六年定。凡內外衛所正伍旗軍歲用糧米。已行各該有司編置勘合對撥者。令人戶自行依期送納外。其在京有未對軍人。及未入正伍等項帶支人。

數如遇按月支糧百戶所將所管軍人造冊。申繳千戶所。本所類總繳申本衛。該衛類總具解申繳合干上司。轉達戶部。磨算相同。明立文案。編給半印勘合字號。仍定奪合於本衛倉某年分某字廩某糧米內給。將文冊繳回原行衙門。轉下該倉。眼同該衛委官及本倉官攢照數支放。如有事故。扣除還官支畢。將實支扣除數目。申達本部知數。仍於原編字號底簿內。注寫實支扣除數目。以憑稽考。其支過糧數。另於內府糧冊內。明白注銷。其在外衛所軍人支糧亦

合一體造冊。編給勘合支放。○又令指揮千百戶管軍官吏。酷害軍人。尅減月糧。將無作有。以有為無者。許旗首軍人奏聞。即將害人的官吏。抄沒家財。就與告人。再加重賞。若旗首通同官吏害軍者。許軍人自告。○二十七年。令江陰橫海水軍右等衛稍班碇手。月支糧一石五斗。○又令紹興衛三江千戶所。駕海船民兵。月支糧一石。○二十八年。令陣亡病故軍。月支糧一石。在營病故者。五斗。○永樂元年。令松潘等處旗軍。十口之上。月支糧一石。九口八口。八斗七口。

六口七斗。五口四口。六斗。三口以下。五斗。○五年。令陝西臨邊衛分守城征哨旗軍。俱全支米。○八年。令山東都司各衛所守城餘丁。月支口糧三斗。○又令糧多地方旗軍。月支糧八分支米。二分支鈔。少者照舊。○九年。令中都留守司。河南。浙江。湖廣都司各衛所。守城旗軍。照舊全支米。山西都司各衛所。陝西都司腹裏各衛所。八分米。二分鈔。福建。廣東。廣西。四川都司各衛所。七分米。三分鈔。江西都司各衛所。米鈔中半兼支。○又令小河。疊溪。茂州。威州。四衛馬軍。月支

糧一石四斗。步軍七斗。餘折鈔。○十三年。令在京各衙門官軍。該支俸糧鈔錠。按月總關。至衛給散。若有事故不到者。將鈔封收。候到給與。若在鄉里隨屯住者。運鈔至屯支給。○十六年。令差往撒馬兒罕舍人。餘丁。原無月糧者。支米一石。以起程日為始。回日住支。○十九年。令錦衣衛將軍。月支本色米一石。餘折鈔。各衛旗軍力士校尉廚役人等。有家小者。月支本色米六斗。無家小者。四斗五升。餘折鈔。○二十二年。令錦衣衛將軍總小旗。每月添支米五斗。各衛總小旗軍力士校尉人等。有家小者。四斗。無家小者。一斗五升。○洪熙元年。令大同宣府操備官軍。月支糧四斗。○又令天壽山營造人匠。有家小者。月添米三斗。○宣德元年。令銅鼓衛邊軍。有家小者。月支糧八斗。無家小者。五斗。○四年。令在京旗軍。該支月糧。如過期三月不關者。扣除在官正收作數。各衙門經該遲悞。造冊官吏。叅奏拏問。○又令在京各衛軍士。月糧。每衛選委指揮一員。提督關給。委官通同作弊者。許監察御史糾舉。○又令在京在外各衛所總小旗軍。

有馬者止給本等月糧○八年令旗軍月糧文書到倉一月半月不關者住支扣除○九年令各都司衛所旗軍月糧文書到日過三月不支者折支鈔錠○十年令四川松潘旗軍驗口給糧小河疊溪茂州威州四衛所馬軍支糧一石步軍有家小者七斗無家小五斗○又令山西行都司衛所旗軍有家小者月支糧八斗無家小六斗調來操備者五斗有家小者八斗○又令陝西行都司衛所旗軍月糧每石月支本色五斗餘五斗折支銀布備禦官軍月支米五斗

○又令居庸等驛甲軍照軍士例支月糧○正統元年令湖廣五開衛守城旗軍月糧先減五斗者仍全支一石○二年令在京并外衛修蓋城樓旗軍人匠旗軍每名月添支米一斗軍匠每名月支米三斗民匠原無月糧月支米五斗餘丁匠三斗○又令陝西肅州衛境外墩軍月支糧八斗○三年奏准寧夏等四衛征操官軍月糧照見行事例各月支一石有家小者本色米麥五斗折色絹布五斗無家小者本色三斗折色支鈔錠守墩軍有家小本色八斗折色二

斗。無家小。本色四斗八升。折色一斗二升。○又
令湖廣浙江都司衛所旗軍月糧。照金山等衛
所旗軍例。有家小。原支本色米六斗者。添二斗。
無家小。原支四斗五升者。添一斗。○又令浙江
觀海等衛安插回回。月支糧四斗。○又令各邊
夜不收軍士。每月添支口糧二斗。○又令廣東
所屬衛所旗軍。月糧全支。○又令四川鹽井寧
番會川建昌二衛。茂州越雋衛。并小河威豐三
千戶所。貴州赤水等衛所。湖廣瞿塘衛。忠州千
戶所。四川成都左護衛。成都右等一十衛。并雅
州等千戶所旗軍。每月各添支米二斗。○又令
陝西西安等衛邊軍。有家小者。月支糧六斗。無
家小。四斗五升。餘折鈔。○又令各營報効甲軍。
月支糧一石。○又令征進麓川旗軍。自起程日
為始。月給本色米一石。事完照舊。○又令陝西
邊衛倉所收青稞。支旗軍月糧。每六斗。准作五
斗。大絹一疋。折糧一石二斗。大布一疋。折六斗。
小布一疋。折四斗。○四年。令滁州衛旗軍。原支
糧六斗者。今添為八斗。北直隸并大寧都司旗
軍。有家小。原支五斗者。添一斗。無家小。原支四

斗者添五升。老幼原支二斗者添一斗。○又令陝西寧夏等四衛守墩軍士月糧有家小者添支本色八斗。折色二斗。無家小本色四斗八升。折色一斗二升。○五年令中都留守司鳳陽右等衛所旗軍有家小支米六斗者添支二斗。無家小支四斗五升者添支一斗五升。殘疾并幼軍月支米三斗如舊。所添糧俱於折色內扣除。○又令貴州各衛選操旗軍總旗月支糧七斗五升。小旗六斗。軍人有家小者五斗。無家小三斗。餘俱於四川布政司官庫折支鈔。○又令大

河淮安二衛及鳳陽各衛所旗軍月糧有家小者每月添支米二斗。無家小者添支一斗五升。於折色內扣除。○又令遼東廣寧等衛及定遼左等衛軍士有家小者每月添支米三斗。隻身二斗。紀錄幼軍一斗。○又令直隸梁城守禦千戶所旗軍月支糧三斗。○七年令密雲中後二衛守關操備旗軍有家小者并興州後屯等衛調去官軍每月俱支米八斗。行糧住支。○又令陝西寧夏等衛旗軍每月添支米一斗。餘折布絹。○又題准太原左等衛旗軍遞年調偏頭關

禦冬守夏。分為兩班。輪流回衛。取討衣襪。沿途
日用口糧。照大同操備官軍事例。每名日支一
升。回衛住支。○八年。令陝西西安左等衛。調撥
甘肅延綏等處。操備旗軍。有家小。原支本色六
斗者。添支一斗。無家小。原關四斗五升者。添支
五升。○又令天壽山上工官軍。每月行糧四斗
外。添支口糧二斗。○又令陝西衛所。腹裏旗軍。
三箇月全支米一石。餘月米鈔兼支。甘肅操備
旗軍。四箇月全支米一石。餘月照舊。○又令陝
西肅州衛。為事問發立功守瞭犯人。月支口糧
三斗。○又令直隸蘇州松江浙江沿海等衛所
旗軍。月糧。有家小者。添為一石。○又題准。宣府
旗軍。在衛月糧一石。內有家小者。月支本色六
斗。折鈔四斗。夜不收。并守墩軍。再關行糧。本色
三斗。共米一石三斗。○九年。令大同宣府軍糧
有家小者。月支本色八斗。折鈔二斗。無家小。月
支本色六斗。折鈔四斗。○又令陝西延綏守邊
旗軍。有家小者。月支米五斗。豆二斗。餘三斗。折
布。○又令陝西行都司衛所。夜不收。月糧全支
○十年。令各處起取軍匠。定撥在京武功中衛。

帶管支糧○又令福建沿海衛所備倭旗軍月支米一石○又令遼東屬衛守城軍月糧六斗內本色三斗折鈔三斗守邊者月支本色米五斗其沿邊操哨軍月支本色米五斗一斗折鈔○十一年令陝西甘肅旗軍月糧折河南起運闊白綿布每疋八斗陝西綿布每疋仍折六斗○又題准陝西行都司肅州等衛旗軍月糧一石前月關支本色四斗河南大布一疋後月關支本色六斗陝西小布一疋相兼放支○又令陝西獵戶土民選出壯丁本衛所帶操者月支口糧四斗○十二年令萬全都司所屬衛分不分旗軍月支米一石米與折色銀布間月關支如遇閏月全支米○十三年令山西行都司衛所屯軍馬隊操練者月支口糧三斗○又令陝西甘肅選操屯軍有供丁者月支米三斗○又題准宣府右等衛所旗軍選充馬步隊沿邊營堡操備餘丁每名月給口糧三斗○十四年令通州等衛充斗級餘丁月支口糧三斗○又令神機營牌刀餘丁月支米六斗○又題准大同旗軍不分頭撥次撥有家小關支八斗無家小

六斗。夜不收原關月糧一石。添與行糧三斗。敢
勇旗舍并簡選餘丁。除老疾外。其見在守城者。
每名月支口糧三斗。選操屯軍。照依守城軍士。
有家小八斗。無家小六斗。○景泰元年。令在京
將軍旗校操備報効等項官軍人等。該支食米
一石之上者。俱月支本色米一石。餘折鈔。○又
令京營頭撥官軍月糧每月各添一斗。次撥五
升。○又題准。召募勇敢。并報効舍餘人等。照操
備官軍事例。給賞冬衣布花。將口糧每月再加
一斗。共作四斗。關給。○三年。令京通各衛倉軍
斗月糧。有家小支六斗者。添為一石。無家小支
四斗者。添為六斗。○又令神機營操練餘丁月
糧。仍支六斗。○又令寺子峪等二十六營操守
軍士。大安口等駐操八營巡哨聽調軍士。有家
小者。月支米八斗。無家小六斗。行糧住支。○又
令各營報効舍餘有冠帶者。月支米一石。無冠
帶。有家小八斗。無家小六斗。外衛官旗頭撥五
斗。○又令各營舍餘選出操練者。月支米三斗。
○又令各處老幼殘疾屯軍。俱令守城把門。月
支米三斗。○又令口外旗軍。照舊支月糧一石。

○四年令神機敢勇報効等營并御馬監操備舍人餘丁原支三斗。及今加六斗者俱支四斗。內有冠帶者八斗。遇有調用。各加行糧二斗。○又題准將延慶衛白羊口。及在京撥去守備并居庸等四驛官軍俸糧。行糧廩給。著令來京倉關支願支銀者。每粟米一石折銀三錢。不願者支糧。○又題准將萬全都司所屬衛所。選揀在官舍人餘丁。有馬常川操練者。照例關給口糧。其無馬舍餘。每年自正月起。至三月終止。給與口糧操備。其餘務農月日。俱各住支。遇有警急。

聲息果妨農種。照舊給與口糧。○五年令倒馬關旗軍月糧。有家小者八斗。無家小六斗。○六年令土木榆林二驛擺站軍士月糧。有家小者八斗。無家小六斗。○又令修理城垣官軍。每月添支口糧一斗。○又令四川征進守備旗軍。每月支米八斗。守城旗軍五斗。老疾紀錄三斗。○天順元年。令各邊軍人。不分馬步。俱支米一石。○又令各處土兵。秋冬操練。支口糧。春夏住支。○二年令通州添蓋倉廩旗軍。月支口糧三斗。○又令守瞭囚徒。月支糧三斗。○成化二年。令

各衛旗軍月糧。添支本色五升。○又令四川成都右衛旗軍月糧。照貴州衛所新定事例。俱米鈔中半兼支。軍人無家小者。月糧六斗。本色四斗。折鈔二斗。老疾并紀錄。各支本色三斗。松茂威疊小河五衛所總旗。本色一石。折鈔五斗。小旗。本色九斗。折鈔三斗。有家小軍人。本色八斗。折鈔二斗。無家小者。本色四斗五升。折鈔一斗五升。其撥堡貼守總旗。本衛支本色五斗五升。該堡支四斗五升。小旗。本衛支四斗五升。該堡支四斗五升。有家小正軍。本衛支米三斗五升。

該堡支四斗。無家小者。該堡支米四斗五升。不行糧。續令松潘等衛所旗軍。有家小者。月支本色一石。無家小支八斗者。減去三斗。老疾紀錄。俱支三斗。○又令四川各衛所旗軍月糧。添支本色五斗。○七年。令陝西延綏二衛旗軍。照慶陽衛例。總旗。月支本色八斗。折鈔七斗。小旗。月支本色六斗。折鈔六斗。有家小軍人。月支本色六斗。折鈔四斗。○又令貴州軍糧。總旗八斗三升者。添為九斗。六斗八升者。為八斗。軍士有家小五斗八升者。為七斗。無家小四斗八升者。

為五斗五升。如糧不敷。折給銀布。○八年。令大同宣府選操上班舍人。照操軍例。月支糧一石。○九年。令各邊民夜不收。月糧添為五斗。○又令宣府選操旗軍。照邊軍例支糧。○又令陝西延綏慶陽三衛在榆林邊備者。月支本色米六斗。折色四斗。支銀錢。○十一年。令陝西洮河岷州三衛在邊操備旗軍。照洮州衛例。月支本色米一石。在衛守城雜差等項。照臨洮等衛例。月支本色六斗。折鈔四斗。○又令在京并直隸涿鹿左等衛所。及該關糧米衙門。并各營關糧軍

人。俱照原定月分。預先造冊送部定倉。及將寄囤糧米。俱各預先支放。如有事故。就便扣除。勘合到倉。不行依期赴支者。聽巡倉御史拏問。糧米照例扣除。若各該關糧文冊造報稽遲者。戶部將遲慢官吏。通查送問。○十二年。令

長陵等衛灑掃寶山做工旗軍。月支糧一石。○又令今後遇有官吏旗軍事故。調用等項遺下。并預支應得俸糧五斗以上。失於還官者。事發不問罪。追糧還官。五斗以下。俱免追問。○十三年。令京通二倉支糧衛所。并各營局等衙門。每年正

月。二月。九月。十月。十一月。十二月。俱在通州倉
關支。三月至八月。京倉關支。如遇兼支粟米小
麥時月。及京城米貴臨時酌量奏請。○十四年。
令在京各衛餘丁。選取在營操練者。月支米六
斗。○十六年。令種首着旗軍。照養牛種菜等例。
月支糧一石。○十七年。令大同宣府延綏寧夏
甘涼遼東沿邊墩軍。月支米三斗。○又令六科
廊裁縫軍匠。月支米五斗。○十八年。令錦衣衛
女戶。月支糧一石。○十九年。令宣府各城選操
舍餘。照在城例。月支糧一石。○二十年。令在京

各衛軍人。月糧五月。六月。七月。八月。十一月。十
二月。京倉關支。正月。二月。三月。四月。九月。十月。
通州關支。○又奏准遼東軍士。月糧上半年放
與本色。如遇糧缺。下半年支與折色。每石照例
二錢五分。○二十一年。令永清等衛所餘丁。幼
匠。月支米五斗。○又令漕運軍餘。月糧八斗。俱
支本色。○又令各處沿邊沿海軍士。月支糧八
斗。○議准今後管軍官吏。總小旗。關支逃故等
項軍糧。與承委放糧官員人等。將應扣還官錢
糧。朦朧關支者。俱照常人盜倉糧擬斷。其承委

會典卷四十一
十四
收糧官員人等。侵欺應放官軍俸糧者。仍依監守自盜倉糧論。若管軍官吏。冒支見在軍糧一名。不拘糧數多寡。照依律例科斷。二名之上者。俱照常人盜倉糧問罪。○二十二年。令各邊守瞭及為事問發各邊墩臺囚徒。月支米一石者。減為四斗。○弘治元年。令山東沿海衛所官軍月糧。上半年支本色。下半年折色。每石折銀二錢五分。○二年。令尚寶監選到錦衣衛軍匠。幼丁。月支米一石。○又令交趾夷人。兵仗織染局上工者。月支米一石。○又令御馬監養鷹餘丁。

月糧添為五斗。○三年。令萬全都司所屬衛所官軍俸糧折色。照大同例。每年會計山東河南并大名等府。稅糧折布。戶口食鹽鈔錢。摘撥解赴管糧官處支給。○五年。題准將薊州庫貯銀內折給布一疋。折銀二錢五分。花一斤。折銀七分。給軍自買。○十五年。議准遼東米貴。軍士月糧折銀。每石加銀三錢五分。共放銀六錢。至次年七月。照舊關支。○又議准遼東官軍俸糧自十六年正月以後。年分俱銀米。間月關支。○十七年。奏定榆林等各營堡夜不收。每名每月於

月糧之外。加二斗。如糧不敷。給銀一錢。○令內府親招局匠厨役。原支月米一石。各減三斗。○又議准。寧夏衛靈州千戶所土達旗軍。并選壯丁備冬。俱支米五斗。○十八年議定。

內府各色舊役軍匠。每名減米三斗。○又令查勘遼東各該達官頭目鄉導。其歸附并子孫代役者。俱照例食糧二石。其年遠無查係鎮巡等官。收充者。與軍士一體食糧一石。并賞賜布花。子孫願繼者聽。不願者。就與除豁。正軍守臺者。止支月糧一石。免支口糧。餘丁守臺者。與舍丁一

體支行糧四斗五升。賞賜布花半分。○又令南京送船餘丁。各色匠役人等。每月口糧減半支給。○正德元年。令在京在外各衛所坐委放糧官。遇勘合到倉。即便率令軍赴倉關給。如有故意推調。以致違限四十五日之外者。將委官及本衛掌印僉書。首領官吏。應支俸糧。查照違限日期。扣除入官。各該官軍月糧。仍令本衛另委的當官員監放。若各該軍士。果有延捱情弊。照例一體扣除。○又題准。將宣府北路。獨石馬營。青泉。雲州。鎮安。鎮寧等堡。孤懸口外。及大同右

衛霜早地寒。為一等。每石比常量加折銀。不過七錢。四海冶。赤城。龍門。鵬鶚。滴水崖。金家庄。并中路葛峪等堡。西路萬全。左右。懷安等衛。沿邊洗馬林。柴溝堡。西陽和。大同。左。威遠。平虜。井坪。懷仁等衛所。并二鎮會城。陽和。天城。為二等。每石不過六錢。朔州。應州。渾源。山陰。馬邑。蔚州。廣昌。順聖川。東西二城。保安。懷來。隆慶。永寧。為三等。每石不過五錢。○又題准。白羊口。新添。舍餘。通取回衛食糧五斗。○四年。奏准。隆慶衛軍士。係內官監營辦匠者。月米每月另造小冊送部。

照依京匠。定撥倉廩關支。遇放折色銀兩。一體施行。布花仍在該衛關支。○又議准。泗州衛久缺月糧。將淮安鈔關船料。本年秋冬二季。暫令折銀。就留本處給軍。○五年。議准。延綏鎮墩軍。除月糧一石外。比照夜不收事例。每日給米一升。或與折銀。如不在墩。免給。○六年。令涿鹿二衛旗軍。未關月糧折色錢鈔。弘治十五年以前。每米一石。折鈔十貫。弘治十六年以後。每米一石。折鈔二十貫。每鈔一貫。折錢二文。於涿州庫積有包兒布疋。銅錢。皮張。衣服等物。計鈔估計。

折支東勝右等衛亦照前例於永平等府大潤等四庫關支○七年議准徐州官軍月糧將本州稅課司正德五年十月起至六年十一月終止課鈔銀兩除額徵正銀外見在附餘銀一千一百二十五兩一錢照彼中時值給散○又議准德州二衛官軍將常豐倉查盤出廠底附餘粟米并上年寄囤附餘粳米給放一月○又奏准遼東苑馬寺養馬軍人以後月糧照舊全支

○八年奏准

德府官校月支本色糧八斗折色二斗○議准保

定五衛旗軍缺糧將保定府預備倉粟穀每穀一石准糧一箇月仍將各軍月糧銀兩扣發該府糴買還倉○十一年令京通二倉軍斗准給月糧○又令將撞門軍士餘丁糧米准間月關支○又令燕河營一片石等營關今後軍士月糧上半年關支本色下半年關支折色該支本色者俱於鄰近倉分坐支如遇米賤一時缺少不敷亦通融間月銀米兼支○奏准

涇府官吏軍校人等該支本色俸糧每石照初到年例折銀四錢○十二年令

吉府軍校月糧照

德徽等府事例。每月各支與本色八斗○又令各該坐營把總。并漕運把總等官。如有官軍在逃者。即時從實開除。仍咨戶部。各該有司倉分。照在逃日期。住支糧米。其山西陝西遼東四川等各邊衛。亦俱照例。開報撫按官查究勾取○又令在京各營衛關支月糧。先將查糧文冊。分別舊管新收。開除實在。造送本衛。該衛查算無差。方許造報。俱限前月二十五日以前送部。以憑查考坐撥。若違限至二十日以後。及冊內姓名

數目。仍前不同者。經該官吏。聽戶部叅送法司究問。其在外京操官軍口糧文冊。亦要預先開送各府經歷司。照前造送。不許違錯○又令衡府官軍旗校人等月糧。如遇放支折色。每米一石。折銀四錢。每銀一錢。折錢七十文。該支鈔貫。如放折色。亦定適中價值。不許虧欠○十六年令

長陵等衛正軍月糧。照京城九門撞門軍事例。關支本色○嘉靖元年。令各該衙門將官軍人等。每年九月分俸糧。除錦衣等七十二衛軍匠人役

原舊關支折色外。其在京各衛所并各監局等衙門。官吏旗軍人等。正月至七月。俱照舊放支本色。八月至十二月。係收成積聚之時。每季終支與一箇月折色價銀。候兌軍折銀將盡。每年照舊全放本色。○議准。古北口倉糧缺乏。該邊官軍除折色照舊四錢五分外。如遇放本色月分。即於四錢五分加銀二錢。聽其自買。候夏秋收成。價值稍平。仍召商糴買米麥。務足半年支用。○又議准。成都利州等二十七衛所上班餘丁屯田。每月糧米量減二斗五升。并行糧共支

月米一石。其餘下班屯軍濫支月糧。盡行裁革。○又議准。將易州鎮該管十倉口衛所官吏旗軍。應支月糧。本折間月關支折色。仍照前例。每石折銀四錢五分。本色聽委官召買支用。○二年議准。淮安等衛所官軍月糧。將兩淮運司見貯餘鹽銀內。量支三萬兩。淮揚二處鈔關船料。再准折銀一年。約勾銀三萬餘兩。通融酌補。仍行巡撫南直隸河南都御史。將所屬府州縣原坐派鳳陽揚州徐淮等倉。各年未解米麥。州縣催徵。每石量准折銀七錢。解赴各倉接濟。其淮

揚二處鈔關船料。至四年以後。仍舊兼支錢鈔。解京。○令湖廣巡撫。將各衛餘丁。凡遇上班運糧。戍邊俱同正軍。月支米八斗。下班回衛。支米五斗。其在衛城操聽差等項。餘丁支米三斗。○又令偏頭所遊兵。按伏不出百里外者。照各邊例。免給口糧。其本所官軍。月糧每石量增價銀五分。寧代遊兵。每斗量增價銀一分。○三年議准。貴州站軍。自興隆至貴州。在城十站。路兼兩省者。每月各加糧二斗。其迤西至雲南路。通一省者。每月各加糧一斗。○奏准。各邊有警。按伏兵馬。支過糧料。照舊免扣月糧。○七年題准。薊倉海運糧米。折放西路官軍。月糧。各省解到民糧。貯各關營。以備緊急。其海運民納折色銀兩。通融放支。東中二路官軍。月糧。照在邊者。本色。月分。每石給銀五錢五分。折色。月分。每石給銀四錢五分。在衛者。不拘時月。每石給銀四錢。○八年議准。天下

王府總小旗。校尉。軍匠。廚役。樂舞生。醫獸。樂戶。樂工。并紀錄。幼疾。軍校等項。月米。除三斗原支本色。并折色各一半者。俱照舊外。其全支本色。并

三七四六二八本折兼支者。俱要本折色對半支給。永為定例。○又題准。江北直隸衛所局匠。俱准在京各監局例。月支米五斗。如造作違限不完。扣月住支。○十年題准。各邊軍士月糧。除常歲各照舊例折放外。若年荒米貴。將各倉庫收貯。并各該民屯。應徵糧料。分別本折色。及軍士月支數目。通查奏請議處。○十三年議准。遼東沿邊諸堡守臺餘丁月糧。年例與正軍一體關支。○又題准。廣東廣州左等六十一衛所屯軍。上班征調。月支糧一石。仍支行糧四斗五升。

下班若令操守支糧八斗。若回屯種。截日住支。○十四年議准。浙江溫處二衛。見操餘丁。上操月分。每名量給口糧二斗。歇操住支。○十五年題准。福興漳泉四府。福州左等衛。萬安等所。旗軍月糧折色鈔銀。將各府州縣官吏支剩鹽鈔商稅魚課等銀。通融放支。○十六年議准。太常寺廚役。并犧牲所官軍。原支通倉月糧。改於京倉關支。○十七年題准。各邊官軍。該關折色月分。不必拘定六錢之例。務隨時損益。以濟貧軍。其該關本色月分。如在倉糧米數少。照依時估。

放銀兩三箇月。存留倉糧以備客兵支用。○二十一年。令保定官軍移守關隘者。照見在常守軍士。均給月糧一石。本折兼支。○又令真靖千戶所收過旗手等衛。遇例投充當差舍餘。該支月糧。於京倉關支。○二十三年。議准陝西蘭靖所新兵。尚在腹裏。與極邊不同。月糧每石定銀六錢。俱於正月內具數奏發。○二十九年。題准馬蘭谷。太平塞。燕河營。密雲。四路墩軍。於正糧外。各添二斗。馬蘭谷等三路夜不收。照密雲例。再添一斗。○三十年。議准貴州畢節赤水等四

衛地方站軍。鋪軍月糧。除已加至七斗四斗者。俱免加外。其餘站軍月糧。原係五斗者。加至七斗。鋪軍月糧。原係三斗者。加至四斗。即行處給。○三十一年。題准永安鞏華營并守護

陵寢官軍月糧。防秋時月。一體於昌平關支。其餘月分。并灑掃守陵官軍。照舊。○又題准將宣鎮官軍月糧。俱照先年事例。旗軍放支本色。月分有家小者。給與本色八斗。隻身六斗。餘糧及該支折色。月分。照舊折支。至於征操馬匹。俱給本色全料。○又題准官軍月糧。春夏給以本色。秋冬

給以折色。馬匹料草。春季本色。冬季折色。著為定例。○三十二年題准。一應官下舍餘軍丁。有願應軍者。就開除本身尖丁銀。仍發本戶夫丁二名。永為供丁。各衛屯軍。有願應軍者。就将原納屯糧六石。准作本身月糧。餘六箇月。關支月糧六石。遇閏加一石。○三十四年議准。大同鎮所選夜不收二千二百餘名。選留二千名。准令每月除食糧一石外。增小糧二斗。照折色事例支給。○議准。將真保二府折色糧。改徵本色。運赴陸磬新城浮圖峪等倉。專備馬水口防守軍

士。上半年每月支本色糧六斗。折色四斗。照例折銀二錢六分。下半年每石仍折銀四錢五分。

○又議准。大同鎮官軍月糧除雜差本折照舊征哨官軍。自正月至六月。各月加本色米二斗。并舊有本色三斗。共五斗。○三十六年議准。宣府鎮南山隘口東路。召募礦兵二千名。每日給米一升五合。就於原備防秋客兵糧內支用。仍每日量加鹽菜銀一分。亦就折支銀內動支。至防秋畢日住支。○三十七年題准。保定軍士月糧。每年大月。該本色六斗。舊例每斗折給銀七

分折色四斗。舊例共銀二錢六分。今本鎮米貴。大月本色每斗量加折銀一錢。連折色米共給銀八錢六分。夏冬為小月。照舊折支銀四錢五分。○又題准鎮邊等三城軍糧。照古北口例。上半年本折間支。下半年折色。如遇米貴。量題加給。○三十八年議准。薊州密雲昌平主兵月糧。不拘常例。本折隨宜支放。穀貴則給本色。穀賤則給折色。防秋之日。將冬季馬料。借支一月。石門寨等區。赴薊倉關糧路遠不便。全改折色。○三十九年題准。遼東寧前二衛主兵。增添本色。

三箇月。發銀管糧官過關買運。收貯支給。其二衛新設遊兵一千五員。名行糧。照主兵支給。每石二錢五分。如遇米貴。加銀二錢。○又題准。四川松潘小河二衛所。見在軍士月糧。除總旗月支一石。小旗九斗。并紀錄幼軍各支三斗。照舊外。其餘軍士。有妻者俱支本色米八斗。折色二斗。無妻者支米五斗。不許擅行增減。中間如有老弱不堪操備者。悉行查革。犯罪徒以上者。方許扣糧。○四十年議准。薊州鎮新舊家丁千名。每名月糧一石。一歲通給本色。延綏大同五營。

挑揀軍一千五百名。遼保軍二千名。挑選標軍一千五百名。各月糧俱照舊本折兼支。其合營標兵六千名。行糧查照地里遠近。應給全支半支。各准給本色。○四十二年議准。燕石二區軍士月糧。薊州郎中隔遠不便管理。改令永平原設管糧通判專管兵備督理。仍聽薊州郎中稽查。將永平府州縣及赤洋冷口等衛分額徵錢糧儘數給散。二區并山海等衛官軍。其不敷銀米。聽薊州郎中將山東河南北直隸民運折色扣給。原該發二區漕糧全留薊倉就近給軍。○

又題准。薊遼各鎮官軍月糧不必拘上半年本色。下半年折色之例。先儘見在糧米給散。不足盡改折色。其折色亦不必更拘上半年折價六錢六分之二例。止照各處時估定價支散。○又題准。通州叅將營兵原係抵補山東民兵之數。月糧除每月原支八斗外。每年仍將山東解到民兵工食動支三千兩。每軍各給一兩。作每月增糧二斗之數。永為定額。○四十三年議准。三大營官軍。每年春季三月。夏季四月。秋季九月。原係通倉支糧者。俱改於京倉。其六月十一月。係

歇操月分。原在京倉關支者。改於通倉。○題准鳳陽倉儲缺乏。將淮安稅銀暫准存留該府。放給官軍月糧。仍聽戶部管倉主事稽查。○又議准昌平遊兵月糧。防秋三箇月。照舊將該鎮民運等銀給放。○題准永平添註郎中總理糧儲。將燕石二區官軍月糧。仍照舊例。上半年通給本色。下半年通給折色。如該給本色月分。遇年豐米賤。軍士願照時估給支折色者。聽。或年荒米貴。先儘本色。如本色不敷。照依上半年折色例。在邊每石六錢五分。在衛每石四錢。○四十

四年題准燕石二區軍士。上半年月糧。年豐在邊每石折銀四錢五分。在衛折銀四錢五分。及行馬太二區一體施行。○四十五年題准通州五衛。凡開收月糧。本衛先將應收緣由保勘。同本官軍解通州參將查驗。批發該衛填註新收項下。方行衛所收糧。每月糧冊。印鈐送部。凡事故應開俸糧。本管官將原由申報參將。批行該衛。明註項下。截日扣除。季終。經歷司將前項號簿。送參將查對倒換。仍聽坐庫等官。巡倉御史查訪參究。○隆慶元年題准旗手等二十衛直

宿官軍遠赴通倉支糧不便。每月備造實支糧數文冊送部。割付下糧廳。逐月坐撥京倉廩口關支。○又題准鎮武西平西興西寧四堡邊軍月糧。上半年支本色。鹽糧內給放。下半年折色。京運銀內支給。○又題准墩軍夜不收。較之操軍獨苦。夜不收每名加米三斗。墩軍每名加米一斗。○二年題准昌平鎮永鞏昌平標四營軍士月糧。春防有警。就昌平居庸二倉關支。無警。尚夏冬二季赴京倉關領。其薊州等鎮月糧酌量豐歉。米貴給以本色。米賤給以折色。通算一軍

一年不失本折各半成規。三屯營太平寨路遠地方務要多買米石。就近給放。○三年題准薊鎮新選忠順軍月糧料草布花等項。該鎮巡撫查各地方有年額可動銀兩。分解天津易州收貯。給發永為定規。如有不足。戶部于京運銀內補足。○又題准三河守備下城操舍餘。見在守城操備。每名每月支糧六斗。隨興營二衛造冊送通州關支。每年冬亦准支冬衣布二疋。折銀五錢。綿花一斤八兩。折銀九分。○又題准薊州等鎮主兵月糧。每歲除下半年照舊折色外。上

半年本折各三箇月。其折色價銀不拘在邊六錢五分。在衛四錢之例。隨歲豐歉估給。如遇有閏。照此扣散。地方寫遠者給折色八分。本色二分。至於客兵。除緊急關支本色外。若無調遣。亦照前例支給。○五年題准。各邊營通丁。查係投降真夷。月糧之外。再加五斗。於臨倉扣除軍糧銀內支給。其軍餘投充。不許一槩濫加。○又題准。各邊營管事官員糧俸。俱在原衛造支。不許隨營隨路關支。但各官身處邊關者。折價照在邊例支給。其標下存操募車軍糧布花。查原係

某鎮項下者。即各另自造冊。赴本管兵備道掛號。送管糧郎中坐支。不許仍前借名代造。○又題准。各路營衛所造支糧俸料草。行各該兵備道查照住收日期。行管糧衙門知會。各該掌印官明白開報完日。同原行劄案齎赴該道查覈。方送管糧衙門坐支。○又題准。大同鎮一等真夷。除正糧外。每名每月准給米五斗。另給銀三錢。次等通丁。每名每月止准給糧五斗。以上本折。俱照例兼支。○又題准。將興州。薊州。營州。各衛月糧。原在通倉者。并折俸布花料草。俱赴彼

坐支原在密倉者造冊赴兵備道查明轉送該鎮管糧衙門坐支其應支錢糧與應扣補各鎮錢糧候五年終會計歸併○六年議准分布春秋兩防月分及加百總守臺工食該鎮分布舊例春防三箇月秋防四箇月今議入衛官軍延緩二枝寧夏一枝每年以十箇月為期其餘宣大遼東保定標兵及各班軍塘撥官總軍馬俱以八箇月為期各路傳烽軍士各標營分路防守軍兩防以四箇月為期其南兵守臺百總工食原與衆兵同今計在邊八箇月每日准加銀

一分撤防仍舊○又題准神木黑窯二廠軍夫每名准支月糧四斗口糧二斗上林苑監南海子不分京衛外衛一例在京支糧四斗其冬衣布花俱照京衛事例在京支給仍行薊永密昌四鎮但有衛所冊籍開載二廠苑海等軍名色盡數開除○萬曆二年題准錦衣等各衛所以後造報月糧文冊并照會以投文日為始領勘合日止計在三日事完下糧廳隨將糧冊送照磨所磨對各衛所委官隨將所領勘合赴東官廳比同即日發倉支給如有逃故軍士支出月

糧著各該委官隨即檢舉○三年題准將山西鎮東路盤道梁等四堡軍每名原支月糧八斗再加二斗共折銀六錢三分新改撥步軍每名原支月糧八斗再加一斗于主兵逃故數內支給○四年題准將興州中後二屯衛官軍俸糧布花料豆俱改密雲鎮關支月糧上半年本色四箇月該鎮支給折色二箇月每石六錢五分下半年俱支折色每石四錢五分并俸布料銀每年同年例類發○五年題准京營軍士以後非遇有警將守城兵口糧一斗悉行革免戰車二兵防秋口糧一例支給三斗○七年題准四月十月俱係軍士開操之日赴通倉關米有悞隨營查將通倉應放本色六月十一月俱改坐京倉四月十月仍給折色如遇米貴則停止折色改放本色臨時酌行題請○九年題准遼東兩河防守軍月糧每名每月原給銀二錢五分今再加銀一錢五分

月鹽

洪武二十六年定凡內外大軍關支月鹽有家小者月支二斤無家小者月支一斤其在京衛

分如遇按月支鹽將該支軍名鹽數造冊申繳
合于上司轉達戶部磨算相同立案將原繳文
冊出給勘合字號坐定軍名鹽數劄付龍江鹽
倉放支如有事故就便扣除支畢將實收扣除
數目申報戶部於原編勘合字號底簿內註銷
以憑稽考仍立案備照其在外衛所軍士月鹽
亦有支鈔去處每鹽一斤折鈔一百文照例行
移有司於官錢內支給如有事故一體扣除○
正統二年令修蓋德勝等門做工軍餘人匠每
名月支食鹽一斤○三年令甘肅等處官軍於

本地出鹽去處自行撈取食用○四年令京衛
調出遼東操備軍士照彼處例每名月給食鹽
二斤○成化十二年令見今營造軍民人匠每
名月給食鹽一斤○十三年令南北二京錦衣
等衛軍校尉各處旗校軍士月鹽一體住支

官民戶口鹽鈔

洪武二十四年令揚州府泰州竈戶照溫台處
三府例支食官鹽折納鈔貫每引二百斤米四
石每一石折鈔二貫五百文其鈔就准工本工
本數多而鈔少官為補支工本數少而鈔多扣

除工本外。餘鈔納官。○永樂二年。令兩京官吏人等。及各處官民。戶口食鹽。每歲大口納鈔一十二貫。支鹽一十二斤。小口納鈔六貫。支鹽六斤。市民食鹽。每引納鈔二百貫。鄉民食鹽。每引納米五石。每石折鈔一百貫。每引該鈔五百貫。○三年。令浙江等布政司。并北直隸府州縣官民人等。戶口食鹽。各隨地方徵收。歲用糧多處。徵米。歲用糧少處。徵鈔。○四年。令未食鹽官民人等。一體見丁。納鈔支鹽。大口十五歲以上。月支鹽一斤。納鈔一貫。小口十歲以上。月支鹽半斤。納鈔五百文。○八年。令給

孝陵神宮監食鹽。每歲六十斤。○洪熙元年。令免徵貴州宣慰司諸種人鹽鈔。○正統三年。令關支戶口官軍食鹽。各該運司給批。總填鹽斤數目。定與程期。給付執照。各處批驗所。巡檢司。照數秤掣盤驗關防。給散畢。在京於戶部。在外於本衙門。依限送繳。仍將前批。通發運司查銷。○又令各處徵收戶口食鹽鈔貫。不拘軟爛。但有字貫者。即與收受。○又令天下戶口鹽鈔。俱減半徵收。官吏并隨住大口全徵。○四年。令該關食

鹽如過期三年之上者。住支○又令未出幼男女及孤寡殘疾充軍當匠亡故人口。免徵鹽鈔○又令免徵貴州鎮遠等府鹽鈔○七年。令山東布政司戶口食鹽布疋。照例折鈔○九年。令浙江等布政司。并南北直隸蘇松等府州縣戶口食鹽米鈔。先委官。取勘該管人戶。分豁舊管收除實在。男婦大小人口。并該徵米鈔數目。造冊齎繳。照稅糧實徵文冊。定限。差人送部。如違限。及數目不清。差來人送問。經該官吏查提問罪○景泰五年。令官吏人等食鹽吏典承差許

報五口至十口。文武官員許報十五口至三十口○成化二年。令戶口鹽該納米者。仍舊納米。該納鈔者。錢鈔中半兼收○六年。令免今年各處戶口鹽鈔。以後不許折收銀米○七年。令在京各衙門差撥官吏人等。到於長蘆關支食鹽。各將鹽斤數目。造冊繳報戶部。預發運司收照。其本衙門與差去人員。照身批文。止開各人職役姓名。不許開寫鹽數。定與限期。赴運司告投。運司就於批內寫到司月日。用印鈐蓋。給還照身。仍取領狀。與發去文冊數目。另給照鹽批文。

定限下場支鹽。回還本衙門。查照原差人役。若有在外不回。有違。

欽限兩箇月之上提問。○十年。令戶口鹽價內。該起解京庫者。錢鈔兼收。每鈔一貫。折錢二文。其該存留之數。願納米者。聽願納鈔者。照舊。○十三年。令在京各衙門戶口食鹽。該納鈔貫。該關鹽斤。每年各造青冊三本。送部存留一本。備照。一本發場放支。內各將一本。轉總。或二十本。三四十本。該司用印信手本。陸續封送都察院。轉發巡鹽御史。發下該司收候。遇有關支。比對數目。

相同。方纔關領。○十六年。令今後各

王府。每年與本色食鹽三百引。各隨分封地方。

徽。崇二府於河東。

襄。吉興。益雍。榮六府於兩淮。

德。衡。涇三府於山東各運司。

壽。申二府於四川鹽課司。各關支。停止解價之例。

○弘治二年。令各處戶口食鹽鈔。許原封折腰對半徵收。各封成塊。就於批文內。填寫實數。解部。驗進該庫交收。○十六年。議准。天下司府州縣。今後該府起運戶口食鹽錢鈔。照例錢鈔兼

收。各差解戶。隨順差官赴京交納。存留者納米。納錢。聽從其便。○正德八年議准。山東被賊傷殘。食鹽戶口見在者。照舊徵納。死亡者。除豁。田地被災五分者。予存留糧內。減免二分。○十三年。令河南山東二布政司戶口食鹽折收錢鈔。解司鑰庫上納。○十六年。令山東等布政司。并南北直隸府州縣。例該起運戶口食鹽錢糧。徵收本色。○嘉靖元年。令將

靖江王府二次奏討食鹽六十引。行廣東布政司。差人領齊原擬價銀六十兩。送至廣西布政司。

發買熟鹽一萬二千斤進用。不許仍前差官關支。○六年

詔各處起運京庫戶口鹽鈔。今後每鈔一貫。折銀一釐一毫四絲三忽。每錢七文。折銀一分。計鈔一塊。共折銀四兩。經收大戶人等。不得分外科歛。侵欺入已。○十四年。令在京各衙門關支食鹽。俱限正月。以裏將官吏鹽斤數目。及支鹽人員姓名。類造印信文冊。開送戶部。類行運司。仍給印信批照一張。前赴運司。換與支鹽官單。并出鹽水程。至天津。執單赴兵備道。告驗塗抹。類

發批驗所繳回運司。至河西務。赴收料主事處
驗盤。張家灣。赴通州。坐糧員外處驗卸。崇文門
照例驗訖。水程赴管九門。兼理鹽法。戶部委官
處驗放。水程收抹。類送本部。發回運司銷照。如
有影射夾帶。所在官司盤出。照例拏問。參奏。各
衙門差委支鹽人員。有私出批票。縱容興敗。并
運司不查舉者。聽巡鹽御史參究。○十五年。令
陝西西鳳延鞏漢中五府。多餘戶口鈔銀。各照
原議。處補祿糧布花。及固原歲用不敷之數。○
二十四年。題准。大名府原解保定府庫戶口食

鹽錢鈔。於內分撥錢二十八萬五千七百六十
文。鈔一千四萬二千八百四十貫。解部轉發。薊
州庫交收。以備營州前屯衛。并寬河所。官吏折
俸支用。○二十七年。題准。戶口食鹽錢鈔。照例
文武衙門官吏。及隨住人口。全徵支鹽。市民男
婦減半納鈔。鄉民納米。有願納鈔者。照市民徵
收。其司府州縣。例該起運京庫錢鈔。內係中半
徵收者。照嘉靖六年

詔例。每鈔一千貫。錢二千文。折銀四兩。徵解。不許
分外科取。其起運宣府等處。應解折色者。照舊

徵銀起解。存留者。收貯本處官庫。支給官軍俸糧等項。鄉民納米。分派缺糧倉。分上納。取獲通關繳報。○三十一年。令長蘆運司。每年終。將

汝趙二府食鹽照依

衡德二府鹽數。一體動支。本司贓罰銀各四百兩。照數解給。

鹽鈔起存數目

一陝西。山西。四川。雲南。廣東。廣西。貴州。七布政司。及應天府。并直隸隆慶。保安二州。該徵錢鈔。俱存留本處備用。

一浙江布政司。及順天府。北直隸真定。保定。南直隸蘇州。松江。鎮江。常州。淮安。揚州。徽州。池州。廬州。鳳陽。太平。寧國。安慶。一十五府。滁。徐。和三州。該徵錢鈔。一半存留本處備用。一半起運京庫。

一江西。福建。湖廣。三布政司。錢鈔。一半存留本處備用。一半起運南京。該庫

一河南。山東。二布政司。錢鈔。一半存留本處備用。一半起運京庫。數內摘發鈔八十萬。一百三十四貫錢。一百六十萬。二百六十八文。解赴宣

府。以備開平等衛所官軍折支俸糧

一北直隸河間府錢鈔。本府存留鈔六十五萬貫。准折本處官軍俸糧。其餘俱解京庫。

一大名府錢鈔。一半起解京庫。一半起解保定府。起解京庫數內。改撥鈔三十八萬八千一十一貫錢七十七萬六千二十三文。解宣府折支開平等衛所官軍俸糧。起解保定數內。分撥錢二十八萬五千七百六十文。鈔一十四萬二千八百四十貫。解赴戶部。轉發薊州庫交收。以備營州左右中前後五屯衛。并寬河一所。官軍折

俸

一南直隸廣德州。并北直隸順德廣平二府錢鈔。盡數解京。其永平府所收錢鈔。該解遼東者。照例折銀。送廣寧等庫交收。

雜支

洪武二十六年定。凡倉庫一應關支錢糧。及工部成造軍裝等項。必須計其所用物料。轉行戶部。劄付各該倉庫。照數支給。將支過數目。申報作數。其各司府州縣。遇有祭祀。及慶賀等項。俱於官錢糧內支用。務要明白花銷。開申上司。以

憑稽查○永樂間令守衛官每直支米五升○七年令

皇城四門守衛官軍該支直米照數於行部支給旗軍自造食用○十一年令在京

皇城四門守衛官軍飯食照舊支食○十六年令給浣衣局囚婦白粳糙米青鹽食用○十八年令

孝陵神宮監雞鴨每一隻日給稻穀一合喂養應天府於存留糧內折送○正統八年令守衛官直米住支○天順元年令仍給守衛官直米○成

化十二年令光祿寺日給五軍營園子手正直把總指揮酒飯正直隨伍官軍及守衛各衛官員管隊指揮等官每該班三日支米五升於

皇城四門倉支給○二十二年令各處巡撫管糧等官將問發沿邊墩臺一應囚徒仍舊每名關米四斗永為定例○弘治元年令湖廣太嶽太和山祀神油燭香炷布政司照例每三年一次於夏稅內酌量派收陸續送山應支○正德四年令病故公侯等官造墳物料夫匠等項以十分為率順天府庫內收貯錢鈔量與三分中半

兼支○六年奏准官匠官作并陰陽醫士各給米三斗食鹽一斤○八年令錦衣衛聽差舍人每月給米四斗○嘉靖七年議准。

內府各監局軍民匠役凡遇興工月日備開某衙門興作某工實在監局上班應役若干應該支直米若干開具花名文冊二本一本送光祿寺查照關支一本送司禮監查果見在上班做工方許支給下班歇工日期不許冒支○二十四年議准。

顯陵教坊司樂戶七十二戶同舊役樂戶每名月支

本色食米五斗○二十六年題准上林苑監海子供役淨身男子一千五百九十六名每名於京倉月支米三斗○四十二年議准淮安都府柴薪銀下半年淮安府支解及公費銀三部俸糧銀淮大等一十七衛所運回休息官軍賞鈔銀霜降祭祀銀三部分司家火銀本府同知通判推官經歷知事照磨檢校府學教官共九員家火銀以上共該銀一千八百二十四兩四錢零准於商稅銀內支給淮大二衛官本府并山陽縣及合屬官吏折俸銀共六百兩若因災傷

額派鹽鈔銀兩無徵。暫准支給一半。仍候年豐補解。其餘原有項下。應於該府無礙官銀處給。并河下餽送私情。俱不許一槩動支。○隆慶二年題准。將光祿寺柴園等六倉原收清淮麩共五十九萬五千七十七塊。重一百二十九萬九千二百九十斤。變價貯庫。專備發行支用。或各行願領麩塊當銀者亦聽。中間如有蟲蛀。滯爛虧折者。明白開註銷除。以後年分定限二年一次變賣。○萬曆元年題准。宛大二縣鰥寡孤獨及篤廢殘疾無依倚貧民。共五百六十一名口。

照例收入養濟院存恤。按月每名口支給糧米三斗。歲給綿布一疋。造冊呈部放支。

勘合

洪武四年。令內外倉庫放支錢糧。內則中書外則行省。第其字號為符券。然後放出。○十四年。令置半印勘合。下諸司收掌。六部都察院應有行移。即便比對勘合。硃墨相同。火速奉行。諸司亦置六部都察院冊七扇。如勘合至日。即便附寫緣由。本衙門收貯。仍將原文繳回內府。其勘合附寫緣由。明白滿日。差人赴

內府奏繳○十九年奏革各衙門出納官物勘合。令該部行文書下庫用印信手本。於各門關防出入○二十六年令凡一應錢糧等事行移各布政司及直隸十八府州戶部預為編置勘合。并底簿二扇。一扇本部收貯。一扇發下各司府州。如有行移將各該事件移付通類科通行。於原編底簿內附寫置立前件書填勘合內云。洪武某年某月某日書填某字幾號勘合。照會某布政司或劄付某府州。仰比對硃墨字號相同。行下所屬照依坐去勘合內事件施行。候事完

呈報到部。於前件下註寫回銷緣由。以憑稽考。其內外倉庫司局等衙門官員任滿。須從本部查考任內錢糧等項。如是收支明白。別無虧欠。然後咨發吏部聽用。若有虧少及收支不明。必須究問。至若本部官員考覈及皂隸更替。公用印色紙劄等事。悉皆理之。○又石刻職掌。凡沒官房租錢。印造茶鹽引由。錢法契本勘合通關等事。時估除授給由吏役。照刷文卷紀錄屯種夫役漕運差批。通類遲錯勘合等事。吏役各庫文簿改革考較。編置通類勘合等事。斛斗秤尺。

通類勘合稅糧通關市舶等事並皆掌之○二
十八年令內外衙門關支物料戶部編置勘合
送

內府收掌其該衙門奏領勘合赴該庫比號相同
照數放支○又令司禮監編置內官衙門勘合
底簿戶部編置在外衙門勘合與底簿內將一
扇送

內府收貯本衙門與該庫各收一扇凡各衙門關
領物件自行開數具奏關出勘合填寫物數齎
赴本部比號騰寫底簿僉押用印仍與該衙門
齎去該庫比號照數支領本庫將勘合送司禮
監收銷或有差錯等項該衙門即便具奏改正
用印鈐蓋○宣德五年奏准編置勘合付各衙
門填寫實徵總數遣該吏親齎赴部查理近者
限本年十月遠者限十二月到部自後俱循此
例其各年開豁之數一體編發勘合令填繳以
憑查勘

大明會典卷之四十一

會典卷四十一

四十四



